

太上洞玄靈寶天尊說養蠶營種經

爾時

天尊同太上老君正冠而坐說一切凡夫養蠶營種五穀此乃是衆生之命蠶子是紫微官出十方玉女所愛養之五穀蠶子是衆生之本人間種養最為重事
老君乃白

天尊曰善哉天尊切見世間凡夫之人暫寄閻浮而生唯憑衣食以活身命營田是上上業養蠶是仙聖所教修造功德莫不由於此始聖凡體服乃以田蠶以維身命慈孝父母造立尊像田蠶五穀善豐若人以道長者及王侯安然四方夷狄善從正道以此經力人民歡樂風雨以時唯願五穀豐登萬民以道唯念田蠶以為富貴

天尊曰凡夫在世惡心嫉妬窺謀貧賤偷竊三寶及常住物者一日一夜萬死萬生碎身酬還仍遭橫禍子孫疾病恒逢惡害鬼兵誅汝惡人千身萬身酬償不了負貸師道一針一縷債人萬兩金不足三年不還令人疾病

即報陽春三月令魔王放毒殺害此人若不造功德若不布施令人貧窮子孫顛賴來不與人壽等毀道謗經說師短長及不敬父母仍生白癩之疾不可治之若年年造功德布施師道田蠶萬倍之報若偷竊人物若苦若作種纒得債人宿債若欲蠶絲五穀豐者當念誦此經獲福無量惡賊反生慈心念道憶師天尊在虛空中以智慧眼自能照見世間作惡之人天必誅之一心敬道即得田蠶立報不用功力十方天尊送與汝等善知識耳天人擁護日見貴富所求皆稱心力人鬼無侵蠶獲萬倍志念所願者鬼魅滅矣天神自然擁護汝養蠶之人稽首燒香安蠶子四方及殺田中即讀十方天神名字曰謹請東方青帝護蠶君十萬人隨心降入某宅中又請南方赤帝護蠶君十萬人隨心降入某宅中又請西方白帝護蠶君十萬人隨心降入某宅中又請北方黑帝護蠶君十萬人隨心降入某宅中又請中央黃帝護蠶君十萬人隨心降入某宅中又請五方五帝神君護蠶將士

各十萬人隨心降下擁護神蠶
天尊曰汝等在世凡夫吾今差下五方護蠶神君極拔苦厄衆生況汝在世少信聖教為此貧窮困躑唱衣無衣須食無食恒常乏少若欲得蠶絲五穀倉盈廩溢者可每年在道場前燒香作珍羞雜饌供獻神仙就三寶乞蠶請師到家百味供養轉讀此經百鬼祓邪自不入宅善神自下與汝蠶絲五穀天人送與汝家令得千萬倍汝念道憶師之恩
天尊東向勅魔祝曰
告汝虛耗鬼 并及魍魎神 道上飛尸鬼
五土三將軍 汝但共作善 護保諸天人
田蠶獲萬倍 住宅生金銀 斷絕惡口舌
勝越五家隣 魔兵並入土 啓願即從心
親帛五方入 日日見懼忻 念誦護法經
天為送七珍 魔邪欲來者 破頭作七分
天尊曰汝欲得田蠶者每結誠心上啓天神天仙即隨心下來為作福力不令虛功耳汝可將蠶示師師與蠶子祝願善息即蒙道恩但一切千魔萬魅虛耗之鬼見師入宅皆悉

破散去宅千里汝從養養子時與作功德其
登萬不失也可即燒香與四方口誦此經文
立獲萬倍之報汝莫輕師慢經盜師父三寶
物立見卒死之報稱師名號短壽命之報食
佗肉多病之報手殺生命負命之報惡口兩
舌嗜啞之報好打奴婢破眷驢身之報齋日
惡罵顛狂之報夜偷人物積鼠之報獨食不
喚人猪狗之報手把經不潔淨身惡瘡之報
營作木履不報道恩貧凍饑困之報禮拜頭
不着地懸蟲之報釣魚穴口鉄脣之報許師
施物不送每收空無之報負信違天白癩之
報閉執不通盲目之報欺罔師恩終身負病
之報許設齋不修饑凍裸露之報讀經不洗
手漱口口氣常臭之報罵辱父母地獄因緣
代代子孫不孝之報

在於空中以道眼照見造善造惡之人分銖
不失若善男子若善女人欲求長命田疇遠
意每以香花供養三寶三師道主天官下來
為報汝思請福之人消除毒官所祈所禱獲
得重恩諸雜暴耗神鬼不能前進聞經歡喜
自悉消散天人天神以善善報以惡惡對汝
等在世欲求福者可燒名香表心陳啓請諸
善神依汝所願一心奉請護靈神王隨心降
下其宅中

東方無極飛天神王長生大聖皆來擁護
南方無極飛天神王長生大聖皆來擁護
西方無極飛天神王長生大聖皆來擁護
北方無極飛天神王長生大聖皆來擁護
東方無極飛天神王長生大聖皆來擁護
東南方無極飛天神王長生大聖皆來擁護
西南方無極飛天神王長生大聖皆來擁護
西北方無極飛天神王長生大聖皆來擁護
上方無極飛天神王長生大聖皆來擁護
下方無極飛天神王長生大聖皆來擁護十
方天王皆乘飛雲丹霄綠輿瓊輪下降為汝

造善之家日日送福以報汝修福即令獲重
報但造功立德終無浪失

天尊告曰第一念道第二念經第三念師每
時啓道祈恩福從天來令汝善信之家無病
無難無災無苦所求之願皆得遂心求男女
得男女之報求官位得官位之報求金銀得
金銀之報求田蠶得田蠶之報求安穩得安
穩之報求延命得延命之報求衣食得衣食
之報求長生得長生之報若欲遠行四道開
通念誦是經即獲聖慈百餘句內無諸枉橫
皆得福祐若所求不果即讀善住東來神西
來神南來神北來神中來神為汝除去惡官
天行毒氣立自消滅官橫不生千殃即斷天
下地上諸雜百鬼悉馳他方如鬼如神咸各
鼠蟻大力神王降下擁護讀誦之人福報即
果危難不加令汝坐卧安吉無諸橫難

天尊所說言無不善也

天尊告曰汝等天人此經勝妙神通無量若
家中供養延壽延算所求稱心邪魔自滅不
敢害人若遭重疾天童天女自來救治令疾

瘥愈無諸損傷諸惡不害十方天尊常來護汝誦讀之人家安戶吉命長壽永無有惡害行來出入諸善神王恒隨汝後令却千災萬惡不干習誦之者禍報如山聽受之人萬世康強手持此經百魔畏敬如法恒持心願必從

天尊曰汝等凡夫不論貴賤悉皆禮敬念誦此經自然安樂八部天魔聞經滅跡善神守護門神戶尉辟斷千殃所養神蠶蕃息溢宅金銀錢財五穀豐盈男女成行像僕異形趨勇孳息百鬼奔走天人保護蠶絲長益惡言不生願願從心聖功神力難可測量
天尊告曰汝等世間無藉之鬼不思大道明威之制變形易像或作妖怪或作家親杜竈或作形像或作百鳥聲或作夜夢或為凡人妄求血食耗亂田蠶令不長息每年為害如不去者即請消害破鬼君九千萬人縛鬼君九千萬人食鬼君九千萬人斬鬼君九千萬人高麗鐵面兵士七千萬人手持殺鬼之具兵刃外向食鬼窮騎吞鬼君九十萬人捉鬼

君殺鬼君各四十萬人收殍君破殍君各十二萬人攝除宅中故氣宿骨君三十八萬人斷鬼君九十萬人一合降下主為某家消除此土之鬼立令散滅如有一鬼留停不以理去者即請十方護蠶君百十萬人依方來下斬殺及安前之鬼五土之精如有木精欲來金神斬之火精欲來水神滅之金精欲來火神消之水精欲來土神斷之土精欲來木神剋之此之五鬼主人某家先奉
天尊旨教以今天師收攝金木水火土五神之精悉使迸散萬事吉祥虛耗之鬼百雜之魔千妖萬魅女姑土長悉令四散中鬼入土十丈萬尺保護神王衛護主人蠶作千倍出入吉祥護宅力士消害去禍年時釀成歲中作熟願願從心起念福至讀誦之人延年加算宅生黃金地踊寶藏惡害毒蠱遠祛千里天仙聖神龍眾梵眾皆來聽經十方靈童降下瞻仰護宅神王皆悉擁護此經微妙不可思議大眾聞經各各頂禮圍繞
天尊稱善作禮歸命奉行

太上洞玄靈寶天尊說養蠶骨種經